



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-052-2/22**

Datum: **10.02.2022. godine**

«Agencija za vodno područje rijeke Save» rješavajući po zahtjevu Mjesne zajednice Modrinje, općina Kakanj za izdavanje vodne saglasnosti za izgradnju mosta preko rijeke Bosne u naselju Modrinje, općina Kakanj, na osnovu člana 109. stav (1) tačka 10. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o vodnoj saglasnosti**

1. Pravnom licu, Mjesna zajednica Modrinje, općina Kakanj, daje se vodna saglasnost za izgradnju mosta preko rijeke Bosne u naselju Modrinje, općina Kakanj, a na osnovu projektne dokumentacije:
 - Glavni projekat mosta preko rijeke Bosne u naselju Modrinje, općina Kakanj, broj: 03-1/20, urađen decembra 2021. godine od strane «Modus projekt» d.o.o. Kakanj, revidovan februara 2022. godine od strane FM – Inženjering d.o.o. Sarajevo.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost može se koristiti isključivo za potrebe izdavanja odobrenja za građenje i okolinske dozvole.
4. Ova saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa a sve u skladu sa važećim zakonskim propisima, odlukama i sl.
5. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, utvrđenog činjeničnog stanja i pod sljedećim uslovima:
 - 5.1. Radove na izgradnji mosta sa pratećim sadržajima izvesti u skladu sa ovjerenom projektnom dokumentacijom iz tačke 1. ovog Rješenja.
 - 5.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 5.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 5.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 5.5. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 5.6. Korisnik saglasnosti je dužan da riješi imovinsko-pravne odnose na lokalitetu izvođenja radova, formiranja privremenih gradilišta i pristupnim putevima.
 - 5.7. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 5.8. Sve eventualne kolizije predmetnog mosta sa postojećim instalacijama (vodovoda, kanalizacije, telekomunikacioni, energetski kablovi i sl.) prethodno će se rješavati uz saglasnost mjesnog nadležnog preduzeća koje će dati tehničke uslove za izvođenje ovih radova. Investitor je obavezan da izvrši potrebna izmještanja trase vodovoda, kanalizacije i drugih instalacija koje su u koliziji sa radovima koji se izvode u sklopu radova na ovoj saobraćajnici.

- 5.9. Zagate, napere i pomoćne objekte i zahvate u koritu vodotoka koji prilikom izvođenja radova služe za lakše izvođenje određenih zahvata, ukoliko se ukaže potreba za formiranjem istih, izvesti na način da što manje ugrožavaju proticajni profil rijeke, a nakon završetka radova iste je potrebno ukloniti i korito, obale i okolni teren dovesti u prvobitno stanje.
6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
7. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji mosta preko rijeke Bosne u skladu sa glavnim projektom iz tačke 1. dispozitiva ovog Rješenja.
9. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, Mjesna zajednica Modrinje, općina Kakanj, podnesen je ovoj Agenciji dana 08.02.2019. godine zahtjev za izdavanje vodne saglasnosti za izgradnju mosta preko rijeke Bosne u naselju Modrinje, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Prepisa uvjerenja o poreznoj registraciji MZ Modrinje, Kakanj, izdatog dana 23.02.2006. godine od strane Porezne uprave Federacije BiH – Kantonalni porezni ured Zenica,
- Ovjerena kopija Obavještenja o razvrstavanju pravnog lica prema klasifikaciji djelatnosti, broj: 04-32.5-1-4218513020007/05 izdatog dana 23.02.2006. godine od strane Službe za statistiku za područje Zeničko-dobojskog kantona,
- Ovjerena kopija Odluke o organizovanju Mjesne zajednice Modrinje, Službeni glasnik opštine Kakanj br. 4/78,
- Ovjerena kopija Uvjerenja o izboru predsjednika Mjesne zajednice Modrinje, broj: 02/1-5279/2021 izdatog 11.08.2021.godine od strane nadležne službe općine Kakanj,
- Kopija Rješenja o prethodnoj vodnoj saglasnosti, broj: UP-I/25-1-40-042-4/21 izdatog 02.03.2021. godine od strane ove Agencije,
- Ovjerena kopija Rješenja o urbanističkoj saglasnosti, broj: 04/1-19-2705/21 izdatog 02.08.2021. godine od strane Službe za privredu, urbanizam i zaštitu okoline Općine Kakanj,
- Elaborat uticaja velikih voda rijeke Bosne ranga pojave $Q_{1/100}$ na objekat novog mosta u naselju Modrinje općina Kakanj, urađen decembra 2020. godine od strane «HYDRO CONTROL» d.o.o. Sarajevo,
- Glavni projekat mosta preko rijeke Bosne u naselju Modrinje, općina Kakanj, broj: 03-1/20 urađen decembra 2021. godine od strane «MODUS PROJEKAT» d.o.o. Kakanj,
- Revizija Glavnog projekta mosta preko rijeke Bosne u naselju Modrinje, općina Kakanj, broj: FM-076/22-EI urađena februara 2022 od strane «FM inženjering» d.o.o. Sarajevo.
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Nakon uvida u dostavljenju dokumentaciju konstatovano je sljedeće:

U sklopu projekta nove lokalne ceste za naselje Modrinje (R456 - novi most - naselje Modrinje) predviđena je izgradnja mosta preko rijeke Bosne. Predviđeno je da novi most bude armirano-betonski, osovinskih raspona 16+20+16=52m. Poprečni presjek glavnog nosača je puna ploča trapeznog oblika ukupne širine 9,0m.

Uvidom u dostavljeni Elaborat urađen decembar 2020. godine od strane «HYDRO CONTROL» d.o.o. Sarajevo, utvrđeno je da je niveleta mosta određena na osnovu hidrauličkog proračuna otvora mosta kojim je za max proticaj povratnog perioda 1/100 utvrđena kota velike vode rijeke Bosne na lokaciji mosta od $H_{1/100}=364,51$ m.n.m. odnosno kota donje ivice konstrukcije mosta je na visini od min 1,27m iznad kote velike vode povratnog perioda 1/100.

Hidrauličkom analizom utvrđeno je da ne postoji negativan uticaj mosta na okolno područje.

Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom općine Kakanj.

Podnosilac zahtjeva je za potrebe izrade Elaborata o uticaju velikih voda rijeke Bosne ranga pojave $Q_{1/100}$ na objekat novog mosta u naselju Modrinje općina Kakanj angažirao projektnu kuću «HYDRO CONTROL» d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Projektna dokumentacija urađena je na nivou glavnog projekta a sve u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-042-4/21 od 02.03.2021. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat mosta preko rijeke Bosne u naselju Modrinje, općina Kakanj, broj: 03-1/20 urađen decembra 2021. godine od strane «MODUS PROJEKAT» d.o.o. Kakanj, data vodna saglasnost na istu.

Na osnovu dostavljene projektne dokumentacije, a u cilju smanjenja negativnih uticaja predmetnog objekta i aktivnosti na stanje voda i vodni režim, te omogućavanja korištenja voda i prostora vodnog dobra i prava na vode dodijeljena drugim korisnicima, podnosiocu zahtjeva su ovom vodnom saglasnošću, u tački 5. dispozitiva Rješenja, propisani uslovi u skladu sa članom 114. Zakona o vodama i članom 7. Pravilnika o sadržaju, obliku, uslovima načinu izdavanja i čuvanja vodnih akata, koje je investitor dužan ispuniti u toku gradnje.

Podnosilac zahtjeva je uplatio upravnu taksu u iznosu od 60 plus u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Prilog: Glavni projekat mosta preko rijeke Bosne u naselju Modrinje, općina Kakanj, broj: 03-1/20 urađen decembra 2021. godine od strane «MODUS PROJEKAT» d.o.o. Kakanj

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Prilozi: 1. Isprava o ovlaštenju

15.12.2022

Dostaviti:

- MZ Modrinje, općina Kakanj (sa prilogom)
- Modrinje br. 72, 72248 Bilješevo
- AVP Sava – ISV Vodna knjiga
- Org.jed. 40 - Arhiva
- Oglasna ploča AVP - Sava